

112 學年度第二學期 八年級 本土語補考試卷

- 請抄第三課〈思念火金姑〉課文一遍
- 文字請保持工整，若無法辨識或過於潦草需重新罰寫。

我對火金姑會佇烏暗中發光，一直足好奇。舊年，阮規家伙仔就去參加一个號做「走揣 火金姑」的活動。我心內想講，四月油桐花當大開，這陣日時有白色的油桐花通欣賞，暗時閣會使佇火金姑閃爍的樹林，觀賞無全款的景緻，會使講「一空掠雙隻」，趁著矣！

這工阮食飽晝才對大甲出發，一下到東勢，沿路就看著油桐花落甲規塗跔，敢若咧落雪。彼油桐花真，真毋甘共踏著。阮就閃來閃去、跳來跳去，袂輸 咧跳舞全款，實在有夠心適。

天欲暗進前，阮趕緊食暗。阮愛冗早來去樹林，等候下昏暗的主角——火金姑。解說人員共阮講：「因為咱的環境受損蕩，有真濟年攏揣無火金姑的影跡，尾仔靠生態保育人員的拍拚，才有這陣滿山的火金姑。四、五月仔是火金姑飛出來活動的季節，公的恰母的攏會發光，毋過母的的光度較無遐光。無全的火金姑，爍咧爍咧的節奏嘛無全，按呢佇暗眠摸 的草仔埔，就知影互相的身份。佇暗暝爍咧爍咧的大部份是公的，母的就歇佇葉仔頂，發出較無遐光的訊號。若是公的發現全種的母的所發出來的訊號，就會飛過去。」

阮順溝仔墘行，四箍輾轉的火金姑親像是 咧跳舞的鼓仔燈，浮浮沉沉。我真懷疑，人講的燐燐爍，敢是按呢？這個時陣，雄雄 千千萬萬的火金姑，浮佇阮目矚前，予人想袂到，予人掣一趟，感覺若像咧眠夢全款。

又閣是火金姑颯颯飛 1 的季節，這場盛會，今年我欲哪會使綴無著陣咧！